

CLASSIS VII.

DE FLORIBUS

MAGISTERIIS FÆCULIS

ET CALCIBUS.

FLORES SULPHURIS.

℞. Sulphuris communis contriti — quantum placent.

Immitte in cucurbitam ad quartæ circiter partis repletionem: huic aptetur capitellum vitreum, sive arcula lignea instar capitelli, juncturis undique obferatis. Subjiciatur ignis sensim augendus, & continuandus per aliquot horas, ut Sulphur maneat liquefactum. Sublimabuntur intra capitellum Flores absoluta operatione colligendi.

Internis renum ac pulmonum ulceribus medentur, attenuant, calesciunt, siccant. Diaphoretici etiam censentur. & alexipharmaci.

Dosis a granis sex ad scrupulum unum.

FLO-

FLORES BENZOINI.

℞. Benzoini crassiuscule contriti - quantum placet.

Immitte in ollam terream, cui loco capitelli corniculum chartaceum prælongum aptabis, ex omni parte clausum: ollam blando igne calefacies, ut Flores nivei sublimentur, quos identidem mutaro corniculo diligenter auferes, ignem continuando donec flavi coloris ascendere incipiant.

Balsamica virtute pollent, ad asthma & reliquos pulmonis affectus egregia utilitatis.

Dosis a grano sex ad scrupulum unum.

MAGISTERIUM SIVE RESINA

JALAPPÆ.

℞. Jalappæ _____ quantum placet.

Triturata affunde

Spiritus Vini _____ quantum sufficit

ad supereminentiam quatuor digitorum: fiat digestio per aliquot dies in loco calido, ut extrahatur Tinctura; qua separata rursus novum Spiritum Vini affunde, & ita perge quoad omnem Tincturam extraxeris. Liquores simul confunde, & abstrahere Spiritum Vini ope distillationis in balneo arenæ, ut quarta pars remaneat in cucurbita. Huic plurimum aquæ

aquæ frigidæ affunde, & sine ut quiescat per tri-
dium. Subsidescit Magisterium resinofum, quod plu-
ries ablutum in umbra ficcabis.

*Purgandi vim habet, sed tormina & hypercatbarfes non
raro excitat: evacuantibus aliis adjungitur pro stimulo.*

Dosis a granis tribus ad grana decem.

Eadem ratione parentur

Magisterium Mechoacannæ,

Magisterium Agarici,

Magisterium Scammonii,

Magisterium Gummi Guttæ,

quorum idem fere est usus, eademque dosis ac
Magisterii Jalappæ.

MAGISTERIUM LIGNI GUAJACI.

℞. Ligni Guajaci minute concisi — quantum placet,

Spiritus Vini ————— quantum sufficit.

Eadem ratione procedant omnia ut in Magiste-
rio Jalappæ.

*Calefacit, siccit, sudores movet, frigidis affectionibus
convenit.*

Dosis a granis decem ad grana triginta.

MAGISTERIUM SIVE BUTYRUM

SULPHURIS.

℞. Florum Sulphuris ——— uncias quatuor,

Salis Tartari alkalini ——— libram unam.

Mixtis affunde

Aquæ communis ——— libras octo.

Bulliant in olla terrea vitreata, donec liquor
rubescat: filtrato instilla

Aceti distillati ——— quantum sufficit.

Turbabitur liquor, & pulvisculus præcipitabitur,
quem aqua pluries ablues, ut a graveolentia libe-
retur, & in umbra siccabis.

*In morbis pulmonum, præsertim asthmate ac phibisi, &
quidem efficacius quam Flores Sulphuris valere existima-
tur.*

Dosis a granis sex ad grana sexdecim.

MAGISTERIUM CORNU CERVI.

℞. Cornu Cervi calcinati ——— quantum placet.

Immitte in matrarium vitreum, & affunde

Aceti distillati ——— quantum sufficit.

Fiet dissolutio cum levi ebullitione, & Acetum
dulcificabitur: solutioni filtratæ paulatim instilla

Olei Tartari per deliquium ——— quantum sufficit.

Opacabitur liquor, lactescet, & pulvis albissimus

sub-

subsidebit, quem aqua pura pluries ablutum leniter
siccabis ad usum.

Habetur pro sudorifero & alexipharmaco instar Cornu
Cervi crudi.

Dosis a scrupulo uno ad drachmam unam.

MAGISTERIUM CORALLIORUM

R. Coralliorum rubrorum — quantum placet,

Aceti distillati — quantum sufficit.

Facta ut artis est dissolutione in matraccio vitreo,
Acetum dulcificatum digere arena calore per tri-
dium: filtrato affunde

Olei Tartari per deliquium — quantitatē sufficientem.

Habebis ut supra Magisterium abluendum plu-
ries, & siccandum.

Eodem ordine procedes ad Magisteria e consimi-
libus substantiis paranda. E. G.

Magisterium Margaritarum,

Magisterium Matris Perlarum,

Magisterium Oculorum Cancrorum, &c.

Ad acida in primis viis haerentia absorbenda vel dulcifi-
canda indiscriminatim adhiberi possunt Magisteria proxime
descripta; licet minus efficacia, quam ipsa Corallia, Mar-
garitae, & Oculi Cancrorum merito existimentur.

MAGISTERIUM CORALLIORUM ROSATUM

M Y N S I C H T.

℞. Rosarum rubrarum ————— unciam unam,
 Aceti distillati ————— libras quatuor.

Digere ad extractionem Tincturæ: Aceto filtrato
 immitte

Coralliorum rubrorum — quantum sufficit,
 ut penitus dulcificetur. Solutioni instilla
 Spiritus Vitrioli ————— quantum satis.

Præcipitabitur pulvisculus subruber, quem effuso
 per inclinationem liquore, sine ulla ablutione in
 umbra siccatum ad usum servabis.

Celebratur ut cardiacum, ut roborans, & antihystericum.

Dosis a granis duobus ad grana sex.

FÆCULA RADICUM ARI.

℞. Succi radicum Ari recentium per torcular ex-
 pressi — quantum placet.

Repositus in catino vitreato quiescat per triduum:
 subsidebit pulvisculus albus, farinaceus, quem a
 liquore per inclinationem separatim ablues aqua
 dulci, & siccabis leniter ad usum.

Incidit, & attenuat crassos ac viscidos humores.

Dosis a granis sex ad grana viginti.

Fff

FÆ-

FÆCULA RADICUM BRYONIÆ.

Eadem ratione paretur ac Fæcula radicum Ari.

Uteri morbis prodest, menses ciet, sed non citra nauseam sumitur.

Dosis a granis sex ad grana viginti.

PULVIS STEGNOTICUS

SIVE

ÆTIOPS VEGETABILIS.

℞. Opii crudi ————— quantum placet.

In sartagine terrea vitreata superimponatur igni mediocri, ac perpetuo agitetur, Vinum album identidem aspergendo, quoad cesset fumus. Removeatur postea ab igne, pulverisetur, rursusque in sartagine repositum torrefiat, cum Vini albi nova irroratione, donec perfecte siccatum Opium dimidiam partem amiserit pristini ponderis. Pulverisetur denuo subtiliter, subigatur cum Aceto fortissimo, ac lento igne siccet: ultimo fiat Pulvis in usum servandus.

Ad suppressendas hæmorrhagias, & ad profluvia quælibet præter naturam sistenda efficaciter pollet.

Dosis a granis quatuor ad grana quindecim.

SCAM-


SCAMMONIUM SULPHURATUM.

℞. Scammonii minute contriti — quantum placet.

Extende supra chartam bibulam, ac detine supra incensi Sulphuris vaporem, assidue agitando, usque dum albescere vel liquefcere incipiat. Sic præparatum redige in pulverem.

Usurpatur vulgo ad conficiendum Pulverem Cornacchini.

Dosis a granis quatuor ad grana quindecim.



CORNU CERVI USTUM.

℞. Cornu Cervi in frusta diffracti — quantum placet.

Combure intra ollam fictilem in fornace ad perfectam albedinem, tere & mole supra lapidem porphyritem, Aquam Rosaceam identidem instillando. Ex massa perfecte lævigata fiant pastilli in umbra siccandi.

Adstringit & acida absorbet: commendatur etiam ut antihelminthicum.

Dosis a scrupulo uno ad drachmam unam.

Calcinatur Ebur eadem ratione & lævigatur ut Cornu Cervi: sic vero præparatum appellatur Spodium

Fff 2

dium

dium ex Ebore, & loco veri Arabum Spodii in multis compositis usurpatur.

Cranium quoque humanum, & ossæ aliæ Animalium partes simili ratione exuruntur & calcinantur.

CORNU CERVI

PHILOSOPHICE PRÆPARATUM.

℞. Cornuum Cervinorum apices — quot volueris.

Suspendantur intra capitellum, & juxta collum aheni distillatorii, quo tempore ex herbis potissimum cardiacis Aquæ eliciuntur: paulatim ita mollescent, ut absoluta distillatione a cortice exteriori facile mundari, ac in pulverem redigi possint.

In febribus continuis & acutis ut blandum diaphoreticum exhibetur, instar Cornu Cervi crudi.

Dosis a scrupulo uno ad drachmam unam.

MAGNESIA ALBA.

℞. Aquæ Matris Nitri, sive Lixivii Nitrariorum a crystallisatione ejus Salis residui — quantum placet.

Evapora ad siccitatem: massam superstitem in olla vitreata reverbera, dum fluat instar aquæ: refrigeratam dissolve aqua fervida, & pluries ablue donec

donec dulcificetur: pulverem habebis impalpabilem, quem exsiccatum usui servabis.

Commendatur in stomachi vitiis, acida corrigit, & alium leniter subducit.

Dosis a drachma una ad drachmas duas.

TERRA EXANIMATA VITRIOLI.

R. Vitrioli Romani rubificati — quantum placet.

Abluatur aqua fervida pluries, donec falsedinem prorsus amittat: exsiccata massa rubri coloris in usum servetur.

Accedit ad indolem Croci Martis adstrictivi.

Dosis a scrupulo semis ad scrupulum unum.

Sublimationes, Magisteria, & Calces Metallorum in sequentem classem rejiciuntur.



CLAS-